

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

Imm. 02 Qeqqata Kommuniani unnuiffiugallarsinnaasunik pilersitsineq

Suliassat nalinnaasut

Imm. 03 Qeqqata Kommuniata, Randers Kommune, Københavns Kommune aamma Isumaginninnermut, Ilaqutariinnut Inatsisinillu Atuutsitsinnermut Naalakkersuisoqarfik akornanni suleqatigiinnissamik isumaqatigiissut

Paasissutissiissutit

Imm. 04 Utoqqaat illersuisuisuata Kommuninut illoqarfinnullu sisamanut angalasimanerminut nalunaruusaa.

Imm. 05 Tamalaat

Ataatsimiinneq aallartippoq nal. 09:05

Peqataasut:

Atassut

Siumut

Hans Frederik Olsen, Siulittaasoq, Sisimiut

Erik Jensen, Sisimiut

Jakob Olsen, Sinniisoq Juliane Enoksen-mut, Sisimiut

Inuit Ataqaatigiit

Erneeraq Poulsen, Sisimiut

Nalunaaruteqarlutik peqataannngitsut:

Juliane Enoksen, Siulittaasup tullia Sisimiut

Anna Karen Hoffmann, Kangerlussuaq

Emilie Olsen, sinniisoq Anna Karen Hoffmann-imut, Sisimiut

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

Aningaasaqarnermut tunngasut

Imm. 02 Qeqqata Kommuniani unnuiffiugallarsinnaasunik pilersitsineq

Journalnr. 06.02.01

Tunuliaqutaq

2020-mi marsip aqqarnani Atugarissaarnermut ataatsimiititaliap ataatsimiinnerani Qeqqata Kommuniani angerlarsimaffeqanngitsunik ajornartorsiuteqarneq pillugu sammisaq eqqartorneqarpoq akuerineqarlunilu ammaagallarnissamut qinnuteqaat. Tassunga atatillugu Ataatsimiititaliap Atugarissaarnermut immikkoortorta qinnuigaa, aalajangersimasumik unnuisinnaanermut neqeroorummik pilersitsisinnaanermut tunngatillugu aaqqiissutissanik nassaarniarnerup sulissutigeqqinneqarnissaa, kisianni aamma utaqqiisaasumik unnuisinnaanermut neqeroorutaasinnaasunik. Kommunalbestyrelse suliamut akuerisivoq 30.04.2020

Maleruagassatigut tunngavigisaaq

Kommunimit piginnaatitsissut. Kommunimi piginnaatitsissumut pisinnaatitaalluni utaqqiisaasumik unnuisarfiugallarsinnaasunik pilersitsisoqarsinnaavoq. Unnuisinnaaneq pillugu neqeroorut ukiut tamaasa pisartussaaq imaluunniit angerlarsimaffeqanngitsunut unnuiffiugallarsinnaasoq, assersuutigalugu ukiuunerani neqeroorutitut pineqarpat, angerlarsimaffeqanngitsunut unnuisarfimmik pilersitsinissamut Kalaallit Nunaanni inatsisikkut periarfissaqanngilagut. Kommunimi piginnaatitsinermut malittarisassat innuttaasunut tulluurtunik neqeroorutunik pilersitsinissamut Qeqqata Kommunianut periarfissiippat, taava attuumassuteqarnermik uppersaateqarnissamut inuup normuunik piniarsinnaaneq periarfissaassaaq. Neqeroorummut atuisut akiliisarnissaanik akiligassiisarnissamut inatsisitigut komunimiluunniit piginnaatitsissutikkut periarfissaqanngilaaq.

Pissutsit atuuttut

Atugarissaarnermut immikkoortorta Teknikeqarnermut Avatangiisinullu immikkoortorta aamma INI a/s suleqatigalugit utaqqiisaasumik unnuisinnaanermut neqeroorummik pilersitsisinnaanermut periarfissanik misissuinikuuvoq. Ataatsimiititaliamit qinnuiginninnerup kingorna, ataavartumik unnuiffiusinnaasutut neqeroorummik pilersitsisinnaanermi aaqqiissutissanik Atugarissaarnermut immikkoortorta suliaqaaqqinnikuuvoq, aammalumi utaqqiisaasumik unnuisinnaanermut neqeroorummik.

1. Anguniagaqarfineqartut

Unnuiffiugallarsinnaasunut anguniagarfiit tassaapput innuttaasut, ataatsimoortumik ajornartorsiuteqartutut inissisimasut, soorlu atornerluinermik, eqqarsartaatsikkut anniaateqarneq aamma peqqinnanngitsumik inuuneqarnermik ilisarnaateqartut.

2. Inissisimaffia

Nuummi unnuiffiugallartarfimmik misilittagaasut tassapput, Nuup qeqqata avataani unnuiffiugallartarfimmik inissiineq anguniagarfiusunut pitsaanusooq. Nuummi unnuiffiugallartarfik 38-nut inissaqarpoq, unnuinissamut atorfissaqartitsisut qasserpiaanersut qulakkeerlugit ilisimaneqanngilaaq, kisianni uagut kommunitisut annertutigisumut tunngatillugu inissaaq qulit tikillugit tulluurtuussasooq nalilerneqarpoq. Eqqoriaaneq inissamik naliliinermi aamma maannakkut INI a/s-iit periarfissat malillugit kiisalu Atugarissaarnermut immikkoortortami innuttaasunik eqqugaasinnaasunik suliaqartuusunit eqqoriaanernit tigusapput. Qaammatini pingasuni unnuiffiugallarfiusinnaasunik

pilersitsisinaanermut periarfissanut, Maniitsumi Sisimiunilu unnuiffiugallarsinnaasut pillugit neqeroorummik pilersitsinissamut, INI a/s-imit periarfissat marluk takkunnikuupput. Illoqarfinni marluusuni unnummut ataatsimut unnuinissamut inissat quliussapput. Ineeqqat suaassutsinut agguataarnissaanut periarfissaqassaaq.

Kommunimi atugarissaarnermut immikkoortuni unnuiffiugallarsinnaasuni inissaqartinneqarnissamut innuttaasut piffissami 13.00 - 14.00 takkuttarsinnaapput. Innuttaasoq unnuiffiugallarsinnaasumi unnuinissamut nal. 21.00-imiit takkussinnaapput unnuiffiugallarsinnaasorlu aqaguani ullaakkut nal. 08.00 qimaareersimasassavaat. Unnuisarfiugallartumi sulisut nal. 20.00-imiit 09.30 tungaanut sulisassapput.

Isumannaallisaanermut sulinermilu avatangiisinut tunngatillugu inuit marluk sulisassapput aammalu ajornanngippat isumaginninnermut ilinniarsimasuussapput, anguniagaqarfiit ataatsimoortumik ajornartorsiuteqartuummata.

Napparsimasoqartillugu taarteqarsinaanannissamut periarfissaqassaaq. Innuttaasut unnuiffiugallartarfiup nal. 8.00 qimassimassagaat sulisut qulakkiassavaat, taamaalilluni unnuanngoqqinnissaanut piareersarneq aallartissinnaaniassammat.

Atuilluartuunissakkut kingunerisinnaasai

Unnuiffiugallarsinnaasutut neqeroorummik sulisussat sivikitsuinnarmik ilimasaaruteqarnikkut aallaqqaammullu piffissami killillikkami sulilersinneqartassapput.

Aningaasaqarnikkut allaffissornikkullu kingunerisinaasai

Sisimiuni Maniitsumilu unnuiffiugallarsinnaasunik pilersitsinermut atatillugu aningaasartuutit

1. Qaammatini pingasuni piffissamut sulisumut akissarsianut aningaasartuutit aamma katillugit sulisunik 4,5 amerlassusiliinermi aningaasartuuteqarnissaq naatsorsuutigineqassaaq. (Taakkunangga paarlatsimut 0,5 amerlassusiliisoqassaaq)
2. Unnuiffiugallarfissanut marluusunut ineqarnermut akiliutit, INI a/s-imit akeq. Tassunga ilanngullugu Nukissiorfinnit imermut, innaallagissamut aningaasartuutit ilanngunneqassapput.
3. Siniffinnik, sinngup puuinik il.il. pisineq.
4. Nerisaqartitineq atuisunut immikkut iliuuseqarneruvoq, naatsorsuutigissagamimi atuisut ilaat perlilissasoq.

*Atugarissaarnermut Ataatsimiititaliap september-ip 10-ani 2020-imi ileqquusumik
ataatsimiinnera 08/2020 - Imaqarniliaq*

Maniitsoq eqitsit 1

	qaammammut	ataasiartumik	Sulisunut aningsaasartuutit	Qaamatit 3
Qaammammut akissarsiassat	52		2	156
akunnermut	43		2	129
Sulisunut Aningsaasartuutit	2			6
Napparsimanersiutit	1			3
Allaffissornermut aningsaasartuutit	1			3
Nioqqutissanik pisinerit	2	50		6
Kallerup innera	2			6
Ingerlatsinermut aningsaasaliissutit allat (Ineqarnermut akiliut, kiassarneq imerlu)	12	27		36
Aningsaasartuutissat katillugit	115	77		345

Sisimiut eqitsit 1

	qaammammut	ataasiartumik	Sulisunut aningsaasartuutit	Qaamatit 3
Qaammammut akissarsiassat	52		2	156
akunnermut	43		2	129
Sulisunut Aningsaasartuutit	2			6
Napparsimanersiutit	1			3
Allaffissornermut aningsaasartuutit	1			3
Nioqqutissanik pisinerit	2	50		6
Kallerup innera	2			6
Ingerlatsinermut aningsaasaliissutit allat (Ineqarnermut akiliut, kiassarneq imerlu)	10 – 20-mut qaffappoq	21 – 40.500-mut qaffappoq		30 – 60-imut qaffappoq.
Aningsaasartuutissat katillugit	113 – 123-imut qaffappoq	71 - 91.500kr-imut qaffappoq		362 – 382-imut qaffappoq

Allaffeqarfiup naliliinera

Sisimiuni inisiffissaralua ajornartorsiutaalersimagaluarpoq, INI a/s neqeroorutini tunuartikkamiuk. Massakulli inissisimaffissaq nutaavimmik nassaartoqarpoq, taamaasilluni aammaanissaq 1.oktober-imut 2020 inissilluni.

Qeqqata Kommuniani unnuiffiugallarsinnaasunik siunertaasoq tassa nalinginnaasumik najugaqalernissamut takunnissinnaangisunut/nukissaqanngitsunut/periartiffissaqanngisunut angerlarsimaffeqanngitsunut neqeroorummik neqeroouteqarsinnaaneq. Unnuiffiugallarsinnaasuni ilanngunneqassaaq, angerlarsimaffeqanngisunut ataasiakkaanut isumassuineq angerlarsimaffeqannginnermiit periartiffisanut allanut innersuussinerussasoq. Unnuiffiugallarsinnaasooq Qeqqata Kommuniani ataatsimoortumik inooqataanermut

oqaloqatiginnittarnermillu neqerooruteqarnermt ilaatinneqassaaq, anguniagaqarfiusoq inuiaqatigiinnut akuuleqqinnissaanut periarfissaa nukittorsarneqarluni aammalu annertunerusumik ukkataqarnikkut, ingerlatsiviup oqartussaassuseqartullu allat akimorlugit attaveqatigiinnermik pilersitsisoqarsinnaanissaa.

Innersuussut

Atugarissaarnermut ataatsimiititaliamut akuereqqullugu innersuussutigineqarpoq:

1. Ilasstit 49.500kr nalilik akuerineqassaso .
2. Akuersisoqarpat ilasstit, suliaq ingerlatinneqassaaq aningaasaqarnermut ataatsimiititaliamut aamma kommunalbestyrelses-mullu akuerisassanngorlugu.

Aalajangiineq

Akuersissutigineqarpoq suliarlu akuerisassanngorlugu ingerlatinneqassaaq Aningaasaqarnermut ataatsimiititaliamut aamma kommunalbestyrelse-mut

Ilanngussat

1. INI_neqeroorutaa_nutaaq

Suliassat naliginnaasut

Imm. 03 Qeqqata Kommuniata, Randers Kommune, Københavns Kommune aamma Isumaginninnermut, Ilaqutariinnut Inatsisinillu Atuutsitsinnermut Naalackersuisoqarfik akornanni suleqatigiinnissamik isumaqatigiissut

Journalnr. 02.01

Tunuliaqutaq

Naalackersuisut ilaatigut qallunaat nunaanni oqartussanik suleqateqarluni, ukiuni kingullerni nunami meeqqanut inuusuttunullu avatangiisit pitsanngorsarneqarnissaat siunertaralugu suliniutinik annertusaanikuupput.

Suliniutinik annertusaaneq tunuliaqutaralugu Qeqqata Kommunian Namminersorlutik Oqartussanik suleqateqarluni Randers Kommune aamma Københavns Kommunemi isumaginninnermut meeqqanullu tunngasunik suleqatigiinnissamik isumaqatigiissusiornikuupput. Randers Kommunemik suleqatigiinnissamik isumaqatigiissut piffissami 1. septembarimiit - 2020-mi decembarip qeqqata tungaanut atuuppoq aammalu Københavns Kommunemik suleqatigiinnissamik isumaqatigiissut piffissami 1. septembarimiit - 2021-imi septembarip aallaqqaataanut atuuppoq. Suleqatigiinnissamik isumaqatigiissummik siunertaasoq tassaavoq, ilaatigut Randers Kommunemik & Københavns Kommunemik sulisuusunik piffissami killilikkami Qeqqata Kommunianut nassiussinikkut Qeqqata Kommunian sulisunik nukittorsaanissaq aammalu ilaatigut misilittakkanik avitseqatigiinnikkut sanileriillunilu ilinniartitsinikkut Qeqqata Kommuniata nammineq sulisuisa suliamikkut pitsanngorsarneqarnissaat.

Randers Kommunemik & Københavns Kommunemik suleqataasut, isumaginninnikkut siunnersortaasuusussat aamma ilaqutariinnik katsorsaasuusussat, Kalaalit Nunaannut aallanginnerminni aallartisaalluni ataatsimiinnernik ingerlatsissapput. Aallartisarluni ataatsimiinerit ilaatigut kalaallit kulturianni, inatsisaannik kommunillu suliassaanik naapitsinissamut pineqartunut piareersaataassaaq.

Isumaginninnermi siunnersortit isumaginninnikkut misissuinernik, iliuusissatut pilersaarutinik ikiuutissapput kiisalu sanileriilluni ilinniartitsisarlutik. Ilaqutariinnik katsorsaasartut meeqqanik ilaqutariinnillu oqaloqatiginninnernik katsorsaannernillu ingerlatsinermik ikiuutissapput, taakkulu saniatigut Qeqqata Kommunian sanilerisanik ilinniartitsinermik ikiuutissallutik.

Tassunga atatillugu Qeqqata Kommuniata piareersimaffigissavaa, sulianik sularineqanngitsunik, nalunaarutiginninnerit qisuariarfigineqarnikuunngitsunik, suliani isumaginninnikkut misissuinernik iliuusissatullu pilersaarutinik amigaatillit suliallu sularineqartussat amerlassusaannik kisitsinikkut sulisunik tigusaqarsinnaaneq.

Soorlutaaq isumaginninnermut siunnersortit aallareernerisa kingorna qaammatit pingasukkaartumik, ukiumoortumik suliat amerlassusaanni ineriartorneq pillugu Qeqqata Kommunian Naalackersuisoqarfimmut nalunaarusiortassasoq. Ukiumi ataatsimi nalunaarusioreernerup kingora ukiuni marlunni qaammatit pingasukkaarlugit nalunaarusiortarnermik malitseqassaaq.

Maleruagassatigut tunngavigisaaq

Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq

***Atugarissaarnermut Ataatsimiititaliap september-ip 10-ani 2020-imi ileqquusumik
ataatsimiinnera 08/2020 - Imaqarniliaq***

Pissutsit atuuttut

Sisimiuni Maniitsumilu sullissisumut ataatsimut suliat amerlassusaannik misissuinerup, 2019-imi qaammatinik pingasukkaarinerup aappaani ingerlanneqartup takutippaa, Sisimiuni meeqqanut inuusuttunullu tunngasuni sullissisunik amerlanerusunik pisariaqartitsineq qaffasissorujussuusoq.

Sullissisumut ataatsimut suliat amerlassusaa 98,7-iuvoq, Maniitsumi sullissisumut ataatsimut 28,2-miilluni. Taassuma paasinarsitippaa, sullissisut marloriataannik pisariaqartitsisoqartoq, sullissisumut ataatsimut suliassat 25-35 suliat amerlassusissaattut missingiutaasoq malissagaanni. Suliassat amerlavallaarnerat ilaatigut sulissinermi naammassisaqarsinnaassutsip appasinneranik pitsaassutsillu appariartorneranut pissutaaqataavoq.

Misissuineq tunngavigalugu kommunalbestyrelsi aalajangiivoq, illoqarfinni innuttaasut amerlassusaannut naapertuuttumik sullissisunik amerlassusiliineq aalajangersarneqassasoq. Sisimiuni Maniitsumi piffissami matumani meeqqanut inuusuttunullu immikkoortuni isumaginninnermut siunnersortit ilaqutariinnillu katsorsaasartut amerlassusaat eqitsimi ataaniittumi takuneqarsinnaapput.

	Sisimiut	Maniitsoq
Isumaginninnermut siunnersorti/sullissisoq	9	8
Ilaqutariinnik katsorsaasartut	2 (Sulisoqanngikkallarpoq)	1 (Sulisoqanngikkallarpoq)

Atuilluartuunissakkut kingunerisinnaasai

Naammassisaqarsinnaanerup pitsaassutsillu qaffasissusaani kivitsinerup kingunerisaanik Qeqqata Kommuniani meeqqanut inuusuttullu suliniutit nukittunerulissapput.

Aningaasaqarnikkut allaffissornikkullu kingunerisinaasai

Randers Kommunemiit & Københavns Kommunemit sulisuusunut atugassanik sulisunut inissianik Qeqqata Kommunia atugassaqartitsissaaq aammalu taakkununga aningaasartuutit akilissallugit.

Suleqatigiinnissami isumaqatigiisummi nassuiarneqartutut suliassanik suliarinninnermut atatillugu, Randers Kommunemiit & Københavns Kommunemit sulisuusut Kalaallit Nunaaniinneranni aamma Qeqqata Kommunia sillimmasiissaaq.

Aammattaq Randers Kommunemiit & Københavns Kommunemit sulisuusuni imaluunniit sulisuusut qaninnertut ilaqaataanni tassanngaannartumik napparsimasoqalernerani/toqusoqarnerani, Danmarkimut uternissamut billetsinut Qeqqata Kommunia akiliisuussaaq.

Allaffeqarfiup naliliinera

Sullissisut amerlanerusut assigiinnarpaa sullissinnermut piffissaq atorneqartoq sukkanerusoq aammalu sumiiffimmi suleqataasunut sulianik ulaperuluppallaannginneq, tamannalu suleqataasunut kiisalu meeqqanut inuusuttunullu sulianut tunngassuteqartuusunut iluaqutaassaaq.

Taakku saniatigut sanilerisamik ilinniartitsineq misilittakkanillu avitseqatigiinneq sullissinerup pitsaassusaanut iluaqutaassaaq aammalu sumiiffimmi suleqataasut suliassaminnik kivitsinissaanut sakkusanik amerlanerusunik pissarsissallutik.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutigaa,

- Suleqatigiinnissamik isumaqatigiissut pillugu paasissutissiissut tusaatissatut tiguneqassasoq
- Suleqatigiinnissamik isumaqatigiissut pillugu aningaasaqarnermut ataatsimiititaliamut aamma kommunalbestyrelse-imut nassiunneqassasoq paasissutissatut.

Aalajangiineq

Tusaatissatut tiguneqarpoq suliarlu paasissutissiissutitut kommunalbestyrelse-mut ingerlateqqinneqassaaq.

Ilanngussat

1. 1_2_Samarbejdsaftale Randers- københavn-Qeqqata kal

Paasisutissiissutit

Imm. 04 Utoqqaat illersuisuisuata Kommuninut illoqarfinnullu sisamanut angalasimanerminut nalunarusiaa.

Journalnr. 13.00

Tunuliaqutaq

Naluneqanngitsut ukioq kingulleq Inatsisartut aalajangerput, nunatsinni utoqqaat illersuisoqalernissaannik. Taannalu tunngavigalugu ukioq manna 01. maj 2020 aallartittumik atorfinitsitsillutik. Atorfinitsinneqartorlu tassaavoq Helene Heilmann.

Tamatuma malitsigisaanik Kommunini illoqarfinni sisamaasuni assigiinngitsunik ilisaritikkiartuutigaluni oqaloqateqartarluni paasisassarsiuutigalugu angalavoq. Taanna tunngavigalugu eqikkaasumik nalunarusiaq ulloq 31. Juli 2020 nassiunneqartoq Atugarissaarnermut immikkoortortami tiguneqarpoq August 2020 aallartilaartoq.

Maleruagassatigut tunngavigisaaq

Utoqqaat illersuisuat pillugu Inatsisartut inatsisaat nr. 37, 28. November 2019-meersoq.

Pissutsit atuuttut

Utoqqaat illersuisuat atorfininnermi kingorna Kommuninut sisamaasunut illoqarfinnut Sisimiut, Nuuk, Aasiaat, Qaqortoq tikillugit Junip ingerlanerani angalaffigivai, tasanilu Kommunimi utoqqarnut sullissisut, Utoqqaat peqatigiiffii, angerlarsimaffimmi ikiortit, utoqqaat illui/paaqqinniffii tikillugit oqaloqatigisarlugit. Kiisalu Sisimiuni Tilioq aammalu Utoqqaat Kattuffiat oqaloqatigisimallugit.

Kommunit assigiinngitsut sisamat tikeraarsimanerini ataatsimut eqikkaasumik nalunarusiami immikkoortukkuutaanut qulequttanut allaaserinnissuteqarsimavoq; Utoqqaat Peqatigiiffii, Utoqqaat Kattuffiat, Utoqqaat illuat/paaqqinnittarfiat, Puigortunngortut, Angerlarsimaffimmi ikiorteqarneq, Tilioq, Kommune qullersaqarfii, Utoqqaat Siunnersuisooqatigiit, Utoqqarnit saaffigineqarneq, naggataatigullu utoqqaat illersuisoqarnerannut tunngasumik ilanngussaqaarsimalluni. Allaaserisaqarnerminilu immikkoortunut allaaserinninnermini tamatigut "Naliliineq/isummersuut/siunnersuut" ilannguttarsimammagit, tasanilu takuneqarsinnaapput sammisanut tunngatillugu isummersuutigisimasai.

Ilanngullugu ilisimatitsissutigineqassaaq, aasaq manna Junip qiteqqunnerani Sisimiunut tikeraarmat. Sisimiuniinnermini naapisimaarmagit Qeqqata Kommunian-ta susassaqaarfiini qulliunerusut, Utoqqarnut immikkoortortaqaarfik, Angerlarsimaffimmi ikiortit, Utoqqaat Angerlarsimaffiat, Qeqqata Kommunian-ni Utoqqarnut Siunnersuisooqatigiinnut ilaasortat Maniitsumiittut videokonference-kut peqataatillugit, suliaminnik assigiinngitsunik paasisutissiissuteqarfigineqarmat.

Aammalu taamatut naapisimaarneqarnermini erseqqissaassutigaa, nammineq inunnut ataasiakkaanut suliaassanut suliarinnittusnaanani, kisiannili ataatsimut isiginnittumik nunatsinni utoqqaat atugaat annertunerusumik suliaassaralugit

Allaffeqarfiup naliliinera

Atugarissaarnermut immikkoortortaqarfik Sisimiut naliliivoq, nunatsinni utoqqaat illersuisoqalersimanagerat, pitsaasumik sullissinissamut aammalu arlaatigut aaqqiissuteqartarnissanut tikkuussisarnissanut tapertaalerumaartoq aammalu qularnanngitsumik siunissami Kommunit sullissinneranut tunngassuteqartunik isummersuutunik tusarfigineqartalerumaartoq. Aammalumi siullermeersumik maannakkut nalunaarusiaani takuneqarsinnaavoq assigiinngitsutigut tikkuussaqaarsimammat, tikkussai nalunaarusiami atuarneqarsinnaapput.

Innersuussut

Atugarissaarnermut immikkoortortaqarfiup Atugarissaarnermut ataatsimiititaliamut innersuussutigaa;

1. Utoqqaat illersuisuata Kommunini illoqarfinnilu sisamaasuni angalasimanerminut ilisimatitsissutitut nalunaarusiaa tusaatissatut tiguneqassasoq.
2. Nalunaarusiami naliliinermi, isummersuutit, siunnersuutillu allaaserineqartut, immikkoortortanit attuumassuteqartunit misissorluarneqassasut iliuuseqarfigineqartussallu sulissutigineqarlutik ingerlanneqassasut.

Aalajangiineq

Akuersissutigineqarpoq.

Ilanngussat

1. Utoqqaat illersuisuata assigiinngitsunik naapitaqarnermini nalunaarusiaa ulloq 31. Juli 2020.

Imm. 05 Tamalaat

Pisortaaneq nalunaaruteqarpoq Sisimiuni immikkoortortami pisortap tullersortaatut atorfik pingajussaa saqqummiunneqarpoq.

Kangerlussuarmi socialrådgiver-itut atorfimmuq qinnuteqartoqarsimanngilaq, taamaammat nittarsaanneqaqqissaaq.

Siulittaasoq ilisimatitsivoq Borgmester-i atorfilittallu utoqqaat angerlarsimaffianut pulaarsimallutik puigortunngoriartortut inissaannut sanaartorneq qulequtaralugu.